


AC. 2089.

DE
ANATOMICA ET PHYSIOLOGICA
DISSIMILITUDINE INTER VIRUM
ET FEMINAM, EXCEPTIS GENITA-
LIBUS, EORUMQUE FUNCTIO-
NIBUS.

DISSERTATIO INAUGURALIS
MEDICA,
QUAM
CONSENTIENTE AMPLISSIMO MEDI-
COREM ORDINE
IN
UNIVERSITATE LITERARUM CÆSAREA
DORPATENSI,
UT GRADUM
DOCTORIS MEDICINAE
RITE ASSEQUATUR,
SCRIPSIT ATQUE PUBLICE DEFENDET
M. E. Runtler,
CURONUS.



DORPATI LIVONORUM.
TYPIS J. C. SCHUENMANNI,
TYPOGRAPHI ACADEMICI.
MDCCXXXVI.

I M P R I M A T U R

haec dissertatione, ea tamen conditione, ut simulac typis
fuerit excussa, quinque ejus exempla collegio libris ex-
plorandis constituto tradantur.

Dorpatti Liv. die 8. m. Aug. 1836.

Dr. P. U. WALTER,
Ord. Med. h. t. Decanus.

~~CXXXX:~~

F R A T R I C A R I S S I M O

F. C. B. Runtzler

*PROPTER MULTA IN SE COLLATA
BENEFICIA*

OPUSCULUM HOCCE

PIO, GRATOQUE ANIMO OFFERT.

AUCTOR.

P R A E F A T I O.

Saepe disputatum est, utrum genus natura melius instructum sit, masculinum an femininum, sed vel ipse sermonis usus, qui alteri sexu cognomen fortis, alteri cognomen pulchri dedit, satis indicavit, plane diversas res hic respiciendas esse, et haud facile, puto, haec lis ad liquidum perduci potest. Plurimae sunt dissimilitudines inter virum et feminam, eaeque omnibus vitae aetatibus, sed apertissimae sane post finitam pubertatem, quae in viris, ut constat, nonnullis annis serius intrat, quam in feminis; hanc itaque aetatem proprius consideremus in hac nostra quaestione, quam et ob argu-

menti ubertatem et ob temporis penuriam tali modo circumscribere et definire coacti sumus. Hanc eandem ob causam vel ipsum genitalium systema cum functionibus suis praetermittendum esse duxi, cum praesertim hocce generis discrimen satis aperte vel aliis ex organismi partibus eluceat. (I. 1. p. 19.)

Longe alios sane sensus viri, alios feminae adspicere apud nos movet, qui tamen uterque, si modo ambo bene et filiciter exculti sunt, jucundus esse solet; ibi enim robur et dignitatem, hic teneritatem, venustatem et pulchritudinem admiramur. Statu normali vir aliquanto maior est quam femina. Tenon, qui in vicinia Parisiorum sexaginta viros messus est, invenit, longitudinem maximi eorum non superasse $5' 8''$ $6'''$, neque longitudinem minimi eorum $4' 9''$. Media longitudo erat $5' 1''$ $6'''$. Contra maxima femina longitudinem habuit $5' 1''$ $3'''$, minima autem $4' 3''$. Media longitudo erat $4' 7''$ $8'''$. Haec tamen differentia ideo minus nos afficit, quia proportiones omnium corporis partium inter se congruentia haud raro nos fallunt. Attamen haec discrimina in oculos incurunt: viri structura est magis quadrata, ita ut humerorum regio latissima videatur (II. §. 39. I. 1. p. 198). Sunt, qui ejus formam comparent cum cono inverso, cuius basim efficiant humeri, et cuius acumen obtusum congruat cum pedibus (III. p. 337). Omnia lineamenta extrema corporis solidi et spissi acerrimis finibus

terminata sunt et quamquam non jucundam, tamen physici roboris speciem praebent. Contra mulier tenerior est et procerior, forma ejus molliores transitus et fluctuosos habet, pulchritudinem speciem praebet, ideoque jucundissima ad spectu est. Latissima pars corporis feminini est regio pelvis et coxarum, unde etiam comparatur cum figura ovata (I. I. p. 197) vel, ut, alii volunt, cum ellipsi IV. 7. p. 5. II. § 39. V. I. p. 63) cuius maxima latitudo cadit in regionem coxarum; alter ejus finis obtusus capite formatur, alter pedibus. Praeter haec totius formae discrimina in singulis corporis partibus haec etiam animadvertisuntur. Caput viri plerumque magis excultum est quam caput feminae, et magis eminentes lineas, curvaturas atque superficies praebet. Cranium magnitudine fere exaequat superficiem faciei. Lineamenta oris minus tenera quidem et bella sunt quam in muliere, sed minus etiam variantur et speciem semel acceptam servant, ita ut signa juventutis libidine et turbulenter peractae saepe vel in senectute immutata agnoscere possis. Magis quidem floruit oris color in muliere, ejusque pulchritudo venustior apparet, sed haec omnia, tanquam celeriter praeterireuntia juventutis modo florentis attributa, non tamdiu servantur, quam in viris. Caput feminae absolute quidem paullo minus est, quam viri, si vero respicis corpus mulieris minus, multo maius apparet. Secundum Soemmeringii observationes ossa capitis ad cetera ossa corporis virilis eandem rationem habent quam I. ad VIII., in muliere contra eandem rationem quam I. ad VI. Simil apud feminas magis est

rotundatum (VIII. p. 32, VI. § 16, IX. I. p. 8) et facies cum cranio comparata multo minor est (III. p. 399, VI. § 16) quam in viro, ideoque puerili formae similis videtur (VII. I. p. 24). Basis cranii minor est et caput regione temporum magis compressum (II. p. 37), unde etiam maxillae breviores et angustiores sunt et cavum oris coarctant.

Frons non tam alta est, nasus, auresque sunt minores et graciliores, oculi minores, magis oblongi et plani (VIII. p. 35), os minus, mentumque minus prominet. Cum majore faciliter teneritate conjuncta est major etiam mobilitas lineamentorum, quae aequa ac agilis cerebrarum corporis partim efficiunt, ut ad artem mimicam exercendam et ad artificia simulationis aptiores sint mulieres. Collum in viro validius est, brevius, majoribus musculis praeditum, mediumque pomum Adami ostendit et rectis fere angulis impositum est humeris carnosus, magis prominentibus et latioribus, ita ut infra non incrassetur (III. p. 337). Longius et gracilius est collum mulieris et sensim in corpus descendit, larynx etiam magis rotundatus est (X. 4. p. 380, I. I. p. 140) jugulum et cavum supra humeros non tam facile animadvertisitur, ut in viro (VIII. p. 38). Humeri ipsi magis retrorsum pressi et minores sunt, (IV. p. 18, I. p. 239) unde etiam totum corpus superius mulieris angustius apparet quam viri.

Magna est varietas structurae trunci in utroque genere. Viri truncus plerumque brevior est, quam mulieris (V. I. p. 63, IX. I. p. 13), si cum extremitatibus, praecipue inferioribus com-

paratur, et hac quoque in re corpus muliebre simile est puerili corpori (VII. I. §. 18). Linea, a jugulo ad scrobiculum cordis ducta, in viro multo longior est (II. p. 8, IV. p. 5), cuius tamen continuatio usque ad symphysis ossium pubis in muliere manifesto major est (II. p. 8, IV. p. 93). Hoc jam indicatur, cavum pectoris in viro, cavum alvi in muliere, magis excutum esse (VII. I. §. 19). Hoc discrimen est gravissimum, quia omnibus vitae aetatibus idem est et ipso in foetu dignoscere nos sinit genus, quando vel genitalium sistema nullum nobis discrimen praebet (VII. §. 685). Thorax virilis vero non solum major et amplior est, quam feminae, sed plures etiam formae varietates ostendit, quarum nonnullas supra jam indicavimus. Praecipue vero hae varietates efficiuntur situ et forma costarum, quippe quae in viro deorsum et juxta spinam vertebrarum ductae, et praeterea majorcs et validiores sint, neque tam incurvatae in parte antica quam apud feminam, in qua multum retro deflectunt, ita ut spina vertebrarum quasi inter eas imissa esse videatur; praeterea apud feminam in parte antica magis sunt incurvatae, neque tam alte ascendunt, ut in thorace virili (II. p. 58). Ob proprium hunc costarum situm sternum et spina vertebrarum in femina proprius sibi admoventur (I. I. p. 223) et thorax quasi duas in partes divisus esse videtur, et retro quidem amplissimus est, dum in viro pars lateralis et anterior cayi, multo magis exculta est. Quod ad externam speciem attinet, varietas etiam mammarum memoranda est, quae in viro parvae et minus exculta sunt, dum in

femina sunt multo pleniores et duorum hemisphaeriorum speciem praebent, quae inter, situs est sinus feminae. Et plurimum hae quidem pertinent ad pulchritudinem feminarum, nec raro turbulentis fluctuationibus libidines et sensus indicant, quibus animus feminae impletur. Ceterum praecipua haec pars est systematis genitalium feminei, itaque non plane huc pertinet. Pectoris structura multum perinere debet, ad formam et ad magnitudinem abdominis. Itaque videmus, cavum abdominis apud virum superne thorace longiore, infra pelve minore terminatum, multo minus esse, quam cavum abdominis in femina, cum praeterea vertebrae lumborum admodum humiles sint. Ceterum in viro integumenta abdominis oblique descendunt ex pectore ad genitalia et ad hypochondria, ita ut ejus amplitudo infra communatur. In muliere spatium inter scrobiculum cordis et inter symphysis majus est, quam in viro, linea quae partes hae conjuguntur, fere recte descendit (I. I. p. 223). Praeterea integumenta abdominis magis incurvata sunt et spatium inter umbilicum et inter symphysis ossium pubis majus est, quam in viro (II. p. 8. IX. I. p. 9), contra umbilicus et finis processus ensiformis sibi propinquiores sunt. Major pelvis amplitudo et major vertebrarum lumbarium altitudo augent abdominis ambitum, praecipue deorsum, eique multo majorem longitudinem praebent, quia thorax non tam excutus est, quod plurimum valet ad pulchram mulieris proceritatem, unde tanta corporis dignitate et venustate excellunt feminae. Ceterum observandum est, hanc cayi abdominius

amplitudinem feminae adulcae rursus quodammodo congruere cum structura infantium (VII. 1. p. 23), quod ideo admirationem nostram movere non debet, quia infanti ad excolendum corpus nondum excultum, aequa ac mulieri ad suam ipsius nutritionem, simulque ad nutriendum et excolendum foetum, opus est systemate vegetativo valide exculto, cuius sedes praecipua est in abdomen.

Sed dissimillimum virile, femineo corpori est, regione pelvis. Tota haec regio apud virum angusta est et parum exculta, dum in muliere, exceptis coxis, est latissima totius corporis et omni ex parte uberiorem speciem praebet. De pelve ipsa postea accuratius disseremus, hoc loco satis erit dixisse, pelvim mulieris esse ampliorem et paullo magis inclinatum, et musculos, ei inhaerentes magis excultos (VIII. p. 32) et majore copia textus cellularis et adipis praeditos esse. Licet jam corpus feminineum multis partibus simile sit corpori infantis, tamen ne minimum quidem hoc pertinet ad regionem pelvis, quippe quae in muliere plerumque primae demum graviditatis tempore perfecte exculta sit.

Etiam quod ad extremitates pertinet, satis magna dissimilitudines inter utrumque genus animadveruntur, et eadem quidem leges, quas de toto corpore supra jam indicavimus, huc quoque referenda sunt. Superiores viri extremitates sunt longiores et fortiores, sed minore copia textus cellularis rotundatae, ideoque muscularum et ossium structuram apertius ostendunt, et majoribus, magisque incurvatis clavi-

culis (II. p. 96) et validioribus scapulis cum thorace conjunctae sunt. Contra in muliere extremitates superiores forma quidem gaudent uberiore, tamen teneriores, debiliores et corporis ratione habita, breviores etiam sunt, quam apud virum (IV. p. 75). Hic quoque similitudo intercedit mulierem inter et infantem; neque prætervidendum est, minus excultas esse in feminis extremitates superiores, quam inferiores, ut in universum tota superior pars mulieris in commodum partis inferioris neglecta esse videtur (XVI. 1. p. 129), quod quidem in viro plane contrarium est. Manus mulierum præcipue minores, molliores pinguiores et digitis minoribus acutioribusque præeditae sunt, quam virorum. Si rursus extremitates inferiores consideramus, primum apparei, basce in viro esse multo longiores, quam in muliere, quae sedens semper multo maior esse videtur, quam re vera est. Femora viri porro absolute quidem fortasse crassiora sunt, quam femora mulieris, neque tamen relative, quia coxae et femora mulierum validissimis musculis præedita sunt, quae insuper larga copia textus cellularis et adipis superinteguntur (III. p. 311). Ceterum hoc omnino cohaeret cum structura pelvis et sane proprium est omnibus mulieribus. Pelvis structura aliam etiam directionem extremitatum quam maxime efficit. Acetabula viri sibi propiora sunt, quia tota pelvis minus ampla est, unde fit, ut femora etiam magis sibi appropinquentur, et recta fere directione descendant, non convergentia versus genua, unde rursus tibiae non divergentes descendunt. In muliere contra femora latius inter

se distant, unde etiam perinaeum amplius fit; femorum directio propria sane est, quippe quae magnopere convergant versus genua (III. p. 311); et condyli interni femoris multo magis prominent, quam in viro (II. p. 11). Inde fit, ut stante corpore, genna mulieris magis rotundata, sed tenuius constructa, fere sese attingant, dum crura, suris anterioribus, pulchrioribus et deorsum angustioribus praedita, sane multum divergent, ita ut corpori permagna basis tanquam fulcrum sit, quod praecipue graviditatis tempore magnam utilitatem affert.

Cum externa forma fere congruit ossium structura et conjunctio, quia ossa sunt fundamentum totius corporis. Sceletum viri majus est et validius constructum, quam mulieris, quod praecipue pertinet ad diaphyses ossium cylindroformium. Contra in mulieri apophyses melius exulta sunt, dum diaphyses magis neglectae esse videntur (XI. p. 61). Praeterea in vii sceloto multo plures asperitates animadvertisuntur, omnes enim sulcus, omnia cava, omnes gibbi et asperitates ibi magis apparent; praecipue plana ejus ossa multo asperius elaborata sunt, excepto solo, ut videtur, crano (VI. p. 19), quod in utroque genere eadem fere crassitudine est et eadem amplitudine, quamquam in muliere majus est, si ceterum minus corpus mulieris respicis. Sed cranium in muliere multo magis rotundatum est, ita ut tubera frontalia minus prominant, interque ea glabella vix agnoscit possit (II. p. 36). Ossa faciei in viro multo fortiora sunt, quam in muliere, curvaturis suis magis prominent, et majora cava continent. Basis et-

iam ossium cranii in viro major et majoribus aperturis praedita est, per quas vasa et nervi transeunt, cuius rei causa praecipue haec est, quod cornua ossis sphenoides in muliere minus exulta (II. p. 39) et quod vasa atque nervi minores sunt, unde etiam canales et apertuerae minores esse debent. Quum ossa faciei tam varie conjuncta sunt, cum basi cranii, manifestum est, ea quoque anteriora et minora esse in muliere quam in viro, quia basis cranii mulieris est angustior et brevior. Idem pertinet ad cava ossibus faciei formata, quae et ipsa, ut consuetaneum est, minora et humiliora fieri debent. Ossa etiam maxillaria in muliere anteriora et angustiora sunt, et saepe ne satis quidem spatii praebent omnibus dentibus, quamquam vel hie tenuiores sunt. Interdum enim bini ultimi dentes molares mulieribus plane desunt (VII. p. 19). Derectione columnae vertebrarum in utroque genere in universum eadem est, ita tamen ut in viro rursus magis inclinata sit, versus partem anticam regionis lumborum (III. p. 314), dum in muliere dorsum minus incurvatum est. Vertebrae singulare viri duriores, firmiores et maiores sunt, quam in muliere, ubi modo vertebrae lumborum firmiores et nominatim altiores esse solet (II. p. 50). Processus etiam transversi vertebrarum, dorsi dissimilitudines quasdam praebent; in viro enim recte magis excurrunt, dum in muliere retrosum deflectunt unde non solum situs costarum mutatur, sed etiam canalis spinalis prorsus aliam formam obtinet. Amplificatur enim paullo cavum hocce peculiari illa directione processuum transversorum, quo etiam id

accedit, quod massa ossium omnino in skeleto
femineo parca esse videtur. Poramina etiam in-
tertransversalia mulieris praecipue regione ver-
tebrarum lumborum majora sunt (XI. p. 61),
quod majore teneritate processum obliquorum
efficitur. Processus spinosi in viro magis pro-
minent, sed tantum ob peculiarem mulieribus
directionem costarum, supra jam descriptam.
Sternum viri longitudine et crassitudine superat
sternum mulieris, manubrium sterni vero, quod
ad crassitudinem attinet contrariam rationem init
(II. p. 69). Claviculae viri sunt longiores,
magis incurvatae et crassiores, et scapulae ejus
magnitudine et firmitate excellunt. Transeamus
jam ad pelvem considerandam, quae est basis
columnae vertebrarum et in muliere maximi
momenti est, ob partum edendum. Haec pars
sceleti apertissimas nobis praebet dissimilitudines
utrinque generis. Jam situs pelvis in viro ali-
ns est, nam vertebrae lumborum magis in par-
tem anticam spectant, et os sacrum cum ultima
vertebra non iam acuto angulo cohaeret, insu-
perque longius, angustius et minus incurvatum
est, ita ut spatium pelvis magnopere comminuat,
praecipue ejus latitudinem; ossa innominata re-
lative minora et minus sinuata, magis sibi ap-
propinquantur, unde ossa illi praecipiora apparent
et praecipue in postico altius ascendunt, quam
in muliere et in parte antica multo rectiore di-
rectione excurrant. Ossa etiam ischii in viro
sibi propriiora sunt, recta descendant, immo
paullo introrsus inflexa sunt, quod praecipue per-
tinet ad tubera ischii. In muliere hic prorsus
contrariam rationem observamus, ubi incisurae

ischiadicae et foramina ovalia multo magis ap-
parent. Cum directione ossium ischii fere con-
gruit directio ossium pubis. Haec quoque in
viro propiora sibi sunt. Rami horizontales eo-
rum multo minus in partem externam curvati
et sinuati sunt, et rami descendentes inter se
multo acutiore angulum formant, quam in
muliere (III. p. 314), ita ut ex solo adspectu
arcus pubis certe concludere possimus, utrum
pelvis ista sit viri, an mulieris. Ceterum in pel-
vi virili omnes cristae et spinae magis promi-
nent, unde adspectum praebet asperiorem et ma-
gis informem, quem auget etiam major ossium
crassitudo. Quod attinet ad aperturas pelvis,
ejus diametri in muliere plerumque latiores
sunt, praecipue ob majorem curvaturam, et la-
titudinem ossis sacri. Ceterum pelvis viri ma-
gis accedit ad formam triangularem, contra pel-
vis mulieris similior est segmentis sibi injectis
circuli majoris et minoris. Exitus pelvis in
muliere ob majorem mobilitatem ossis coccygis
non eandem semper formam habet.

In universum igitur pelvis viri est alta
praeceps, deformis et arcte constructa, mulieris
contra humilis, plana, ampla et structura te-
nuiore.

Quod supra de longitudine et de directio-
ne extremitatum dictum est, ad ossa etiam tan-
quam earum fundamenta pertinet. Eodem mo-
do jam indicavimus, in ossibus viri validiores
diaphyses et maiores tuberositates animadverti-
dum in muliere, quamquam tenuiora sunt ejus
ossa, tamen relative apophyses magis exultae

sunt. De ossibus femoris tantum dicendum videtur, ejus collum in viro formare angulum obtusus, in muliere vero angulum rectum (II. p. 101). Hinc fit, ut in hisce trochanteres latius distent, coxae ampliores fiant, et genua magis sese invicem appropinquent.

Ossa inter se conjunguntur ligamentis et cartilaginis, quae in universum in viro validiores et fortiores sunt atque duriores, quam ob rem etiam saepius seniori aetate structuram mutant et interdum adeo iu ossa vertuntur (VIII. p. 35). Paucae tantum harum partium in muliere eadem firma et valida structura gaudent, unde etiam mulieres saepius luxationibus obnoxiae sunt. Attamen ligamenta et cartilagini pelvis et ligamenta intervertebralia vertebrarum lumborum excipienda sunt, quod sane plurimum valet ad partum feliciter edendum.

Cum ossibus porro arctius conjuncti sunt musculi, quorum maxima et gravissima est dissimilitudo in comparato utroque genere. Nam in viro musculi multo melius et fortius exculti sunt; sunt porro structura duriore, firmiore et crassiore, colore rubriore (I. 1. p. 237) et ad majores virium contentiones apti. Praecipue hoc pertinet ad musculos superioris corporis partiis, quae, ut supra monstravimus, apud virum fortissima est. Praeterea musculi magis conspicui sunt, quia non tanta copia textus cellularis et adipis circumdantur, eadem vero ob causam corpori non tam venustam speciem praebent, quam fere semper in muliere admiratur. In universum mulierum musculi sunt minores, proceriores, teneriore texture et mollio-

res (III. p. 315). Soli, qui pelvi inhaerent musculi excipiendi sunt, quippe qui aequa validam et fortasse etiam validiorem structuram habeant, quam in viro. Diaphragma minus est, quam in viro, non tam oblique descendit et jam costae sextae inhaeret, dum in illo demum septimae costae adjungitur (I. 1. p. 223).

Quod attinet ad systema vasorum, cor, tanquam ejus organon centrale, apud virum, magis est et validius excultum (I. 1. p. 225). Eadem ratio est in vasis praecipue in centralibus, quae et ipsa majora atque validioribus parietibus praedita sunt (I. 1. p. 225) et magis sinuata decurrent. Geterum hoc non idem de omnibus corporis arteriis contendere possumus, cum eas regione pelvis in muliere majores et validiores inveniamus (XIII. 2. p. 18) quia huic parti ob varias causas majore sanguinis affluxu opus est. Venae in utroque genere non admodum dissimiles sunt, in universum tamen statuere possumus, in viro praevalere arterias, in muliere venas. In hac porro anima vertitur multo major numerus vasorum lymphaticorum (III. p. 316), quod facile explicare potest, ex perfectiore abdominis structura et ex teneriore structura cutis. Majori vasorum lymphaticorum numero etiam convenit major copia glandularum lymphaticarum.

Cum systemate vasorum arcte conjuncta sunt organa respirationis, quae in viro sine dubio ampliora sunt, inde a naso et cavo oris, usque ad pulmones. Larynx viri major est, ut vel externa species docet, potro majore glottide

praeditus et profundius situs est; dein transit in tracheam ampliorem sed etiam breviorem, cuius rami multiplicitate transeunt in pulmones validiores et ampliores. Contra in muliere videmus laryngem minorem, mobiliorum, in parte antica magis rotundatum et arcte appositis ligamentis thyreoarytaenoideis praeditam. Huic adjungitur trachea, fere sex annulis cartilagineis aucta (XII. p. 20), cuius tamen bronchia idem volumen habent atque in viro, ita ut pulmones feminae quamvis sint minores et teneriores, tamen satis magnam copiam aeris capere possint. Organa etiam concoctionis quodammodo in viro validiora sunt: Cavum oris, oesophagus et ventriculus ibi ampliores sunt, et ventriculus quidem structura iusuper crassiore, praecipue quod attinet ad ejus fibrinas muscularas (I. 1. p. 220). Tractus intestinalis mulieris quidem angustior est et infirmiore tunica musculosa praeditus, sed etiam longior quam viri. Hepar et vesicula fellea mulieris minore amplitudine sunt (I. 1. p. 220), itemque renes atque vesica urinaria, quae tamen maxime extendi potest.

Etiam quod attinet ad systema nervorum, permagna discrimina inveniuntur inter utrumque genus. Cerebrum viri aequa quidem magnum est, atque cerebrum feminae, vel etiam paullo majus et structura duriore atque crassiore; sed cerebrum feminae, reliqui corporis ratione habita, gravius est, vasa ejus minus sanguinis continent, ideoque quodammodo superat cerebrum viri; ceterum gyri ejus minus exculti sunt et inferiores lobi cerebelli, minores sunt, sed glandula pinealis major (II. p. 140). Me-

dulla spinalis pro minore corpore mulieris etiam magis exculta esse videtur (I. 1. p. 238), sed singuli nervi in viro omnino validiores sunt, exceptis solis nervis optico, acustico, (XII. p. 17) ischiadicis et plexu hypogastrico (XIII. 2. p. 18). In universum igitur apparent, sistema nervorum et praecipue quidem centrale, multum praevalere in muliere, quippe cuius systema vasorum et muscularum infirmius sit. Omnia haec systemata et organa conjunguntur et unum quoddam efficiunt ope telae cellulosae, cuius copia in corpore virili multo parcior est, quam in femineo, ubi plerumque multo etiam major copia adipis reperitur. Ab uberiore vero utriusque substantiae copia major rotundatio et mollities corporis feminei pendet. Cutis etiam viri structura crassiore et firmiore, disceruitur a cute feminae, molliore, teneriore (I. 1. p. 226) et vasis pellucentibus praedita, ut etiam unguis, tanquam epidermisi similes formationes, in muliere moliores, teneriores et, pellucidiores sunt. Incrementum capilli in viro plerumque validius est, unde multae corporis partes in eo pilis tectae apparent, qui ibi in muliere aut omnino non reperiuntur, aut saltem tenuissimi et minimi sunt. Capillus in utroque genere eadem multitudine et magnitudine est, et in muliere fortasse uberior appetit; barba vero et pili in pectore mulieri omnino desunt, in fossis axillaribus raro tantum inveniuntur et in partibus genitalibus rariores et minores sunt. (XIV. 1. p. 126, I. 1. p. 229).

Itaque formae virietates inter virum et mulierem, ut ex antecedentibus appetit, haud

parvae sunt; cum vero in omni organismo functiones organorum cum ipsis organis arctissime cohaereant, et tantum tanquam variae partes unius cuiusdam rei considerari possint, inde etiam opinari licet, functiones organismi virilis et feminei non easdem esse posse. Si primum sphaeram vegetativam consideramus, haecce discrimina inter genus utrumque observamus, quod attinet ad functiones organorum assimilationis. Jam appetitus alimentorum in utroque genere varius est. Et vir et mulier, ut ex deutium structura apparet, natura ad varium cibum concipiendum instructi sunt (XVIII. p. 212 XXI. 2. 2. p. 42), sed vir amat praecipue cibos animales et excitantes, neque raro potionibus incandescentibus et inebriantibus nimis indulget, dum mulier magis naturam sequens, hōscē potus contemnit et alimenta vegetabilia praeferit. Porro vir plus cibī una coena sumit et famem diutius ferre potest, quam mulier quae semper quidem minore cibo satiatur, sed libenter coenas brevioribus intervallis repeat. Major cibi copia recepta, et cibaria magis irritantia et nutritoria in viro cohaerent cum majore in eo amplitudine et validiore irritabilitate apparatus assimilationis (I. 1. p. 220). In universum assimilatio apud eum celerius absolvitur; cibaria quae per se jam faciliter assimilari possunt, melius jam praeparata manducando et multa cum saliva in ventriculm deveniunt, ubi largior secretio succi gastrici et validior motus peristalticus chymum melius adjuvat. Praecipue vero acceleratum motum peristalticum et celeriorem mutationem chymi, in chylum (XXI. 2. 2. p.

163) efficit in viro absolute major secretio bilis (I. 1. p. 220), praeterea etiam magis collectae et largior copia succi pancreatici et enterici. Cum vero, ut supra monuimus, vasorum lacteorum numerus minor sit in viro, illa concoctionis celeritas hoc malum affert, quod multae substantiae nutrientes sine usu cum excrementis emittuntur. Inde etiam ex parte explicari potest, quod mulier, quamquam cibaria minus nutritia, eaque minore copia sumit, tameu virum multo superat actione reproductive (VII. § 58, I. 1. p. 224, III. p. 316). Ceterum hic etiam ratio habenda est ejus rei, mulieres raro tantum ejusmodi negotia subenunt, quae majoribus viribus indigent, multo minorem virum copiam consumere. Praeterea etiam corpus tenuerū et parvum mulieris minore cibo indiget, et quod cibaria diutius in tractu intestinali commorantur (VII. § 58), una cum actione maiore systematis lymphatici, compensat minorem copiam et qualitatem cibi. Non omittendum porro est in muliere sistema venarum melius excultum, quod actione sua adjuvat sistema lymphaticum (XXII. 1. p. 225). Ideo absorptio in viro minor est et similem rationem init resorbatio, cuius rei documentum certissimum praebet uteri deminutio post partum editum, atque observatio haec, quod mulieres interdum morbo laborantes, et substantias nutritives aut omnino nullas, aut admodum parcas tantum recipientes, diu vitam servare possunt (VII. § 234) adipis abundantia, qua corpus antea impletum erat. Cum vero jam, ut ex antecedentibus apparet, assimilatio in viro relative debilior,

contra consumptio multo major sit, quam in muliere, mirum non est, si corpus virile nunquam tanta sanguinis copia impletur, quanta corpus femineum abundat, ubi natura si graviditas non adest, cogitur, redundantiam materiae plasticae parim conferre in majorem copiam adipis creandam, partim menstruatione prorsus ex corpore evacuare (VIII. § 69). In graviditate autem organismo femineo plurimum prodest illa sanguinis affluentia et ad se ipsum servandum et ad foetum, quem gremio fert, nutriendum. Illa sanguinis copia in corpore femineo, rebus paullulum tantum faventibus, celeriter rediens, ob assimilationem quam maxime activam (VII. § 58), jam facilime explicat, unde mulieres tam celeriter post morbos gravissimos recreentur (VII. § 79) praecipue post ejusmodi morbos qui cum succorum damno debilitante conjuncti erant. Congestiones sanguinis (VII. § 79) et motus febries ob superantem illam actionem vegetativam in muliere creberimi sunt, cum praeterea major excitabilitas totius organismi et praecipue systematis vasorum ei propria sit (I. I. p. 225). Attamen ejusmodi symptomata, quae interdum periculosa esse videntur, haud raro eadem celeritate transeunt, atque orta sunt, quia debilior facultas reagendi in organismo femineo, celeriter exhausta est (VII. § 80). Multum valet ad actionem vasorum et ad qualitatem sanguinis respiratio, quae, ut constat, sanguinem venarum chylo repletum, meliorem reddit. Hujus processus major est viro perfectio, quam mulieri, quod jam indicatur organis respirationis validioribus et amplioribus. Jam

mechanicus labor organorum respirationis quodam modo in utroque genere varius est. Dum enim in viro plerumque praecipue diaphragma et musculos abdominis laborare observamus (I. I. p. 224), ita, ut ipse thorax in vulgari respiratione quiescat, in muliere majorem actionem muscularum intercostalium cernimus, unde costae et sternum in quovis spiritu magis truduntur in partem altiore et anticam, ita ut respiratio hic multo altior videatur (XXI. 2. 2. p. 338); diaphragma interdum multo magis qui-escit neque tam alte in cavum abdominis descendere debet. Hoc magni momenti est, si tempus graviditatis ultimum respicimus, ubi respiratio mulieris, ceterum jam angustior multo magis etiam impeditur, si eodem modo atque in viro perficeretur. In hoc praeterea animadvertisimus, spiritis multo tardiores duci, nihilominus tamen ob majorem capacitatem organorum respirationis, majorem etiam copiam aeris, ideoque plus oxygenii cum sanguine conferre, quam fieri hoc potest in muliere, cuius respiratio quidem celerior, cuius tamen pulmones minores sunt. Inde sequitur major oxydatio et plasticitas sanguinis (III. p. 542), quae res utraque organismo viri admodum necessaria est, quippe cuius sanguine substrata duriora et crassiora servanda et regeneranda sint; adde quod sanguis venarum in viro praeterea substantiis crudis compleetur ob chylificationem. Discrimen inter sanguinem arteriarum et venarum mutatione ejus chemica vitali in pulmonibus multo majus fit, quam in muliere, et sistema arteriarum omnino in viro praevalet, quod satis clare

iudicatur pulsu validiore. Hinc etiam observamus, mulierem non indigentem maiore sanguinis mutatione, diutius vivere posse in aëre corrupto (XII. p. 20), et minus inclinare ad morbos pulmonum. Cum majore saguiuis oxydatione in viro cohaeret etiam major exhalatio materiarum vaporosarum ex pulmonibus (VII. 1. § 59), et sanguis majore carbonii copia privari videtur. Haec fortasse ex parte causa est ejus rei, quod in viro nunquam tam copiosa adipis secretio invenitur; carbonio enim praecipue adeps constat, et experimenta in pluribus animalibus domesticis facta demonstrarunt, ea multo celerius pinguescere si cibo corbones admiscebantur (XIX. 2. p. 364). Quod attinet ad homines, ea de re non satis magna adhuc est experientia, sed quomodo res haec se habeat, id sane constat, adipis secretionem in muliere plerumque tam largam esse, ut omnia linea menta externa corporis inde formam accipiant pulchram et rotundatam (I. 1. p. 225). Nequaquam vero causa haec modo allata secretio nis adipis sufficit; primaria causa semper manet actio major organorum assimilationis in muliere, cum praeterea, si cum virili organismus feminus comparatur, vires multo minores processu vitae consumentur. Organismus virilis enim multo plures substantias reddit, quam feminus. De quibusdam secretionibus ejus jam supra locuti sumus. Sic e. g. in viro secretio major et collector bilis (VII. § 59. I. 1. p. 220). Postquam assimilationem adjuvavit et ex parte resorpta est, majorem etiam excretionem materiarum superfluaram et processui vege-

tationis inutilium dejectionibus abvi efficit. Vir majorem quantitatem excrementorum evacuat (VIII. § 58. I. 1. p. 226) et majorem etiam urinae copiam mittit (I. 1. p. 226. IX. p. 38), quia multa excernuntur, quae in muliere ob majorem actionem systematis lymphatici resorbentur, et rursus circumeunt. Tunicae etiam mucosae organorum respirationis in viro plus secerunt (VIII. § 59). In actione cutis vero contrariam rationem observamus. Cutis enim mulieris multo tenerior, multo etiam majorem actionem ostendit, quam viri, et plus secernit sudore et perspiratore insensibiliter (VII. 1. § 59), cui praeterea odor peculiaris est. Folliculi sebacei, qui cutem mollem et lentam reddunt, in muliere majorem actionem habere videntur. Idem valet de organis lacrymarum, quae saepè affectionibus psychicis ad maximam irritantur actionem. Porro in considerationem venit discrimen caloris animalis creandi. Non inficiandum est, vi rum majorem frigoris vim ferre posse, quamvis putandum videretur, feminis non tantum caloris detrahi debere, cum superficies corporis earum, majore copia adipis circumdetur, quae, ut constat, male calorem trasmittit. Causa ejus rei haec est, quod minor caloris copia in muliere processu vitae efficitur. Illic respirienda est lex gravissima physicae, calorem teneri, ubi corpus solidum mutetur in corpus liquidum, seu vaporosum, in casu contrario vero liberari (XX. p. 381), nam organismus humanus tanquam corpus, vulgaribus legibus physicis et chemicis obnoxius est. Mutationes autem variæ mitionis chemicae in corpore efficiuntur

processu vitae et calor inde modo liberatur, modo latet. Fontes primarii caloris animalis sunt (XXI. 2. p. 381) respiratio, assimilatio et motus, quia hic ubi adest, mutatio substantiae melius procedit. In viro processum respiracionis perfectiorem cernimus, quam in muliere, assimilatio etiam crebrius procedit, et motibus quoque ejus corpus magis obnoxium est, porro in eo omnia organa, quae semper sanguine nutrituntur, multo duriore structura sunt (I. 1. p. 232); itaque mirum non est, si calorem ademtum celerius recreare potest. Pertinent huc praecipue discrimina functionum systematis genitalium, quae tamen hic negligenda duximus, quamquam ex ipsis illis apertissime patet, quantum actione reproductionis viri supereretur actione reproductiva feminae. Alia sane res est, si actionem systematis irritabilis observamus. Omnino irritabilitas viri major est, ut, cum illa praecipue organismi facultas reagendi monstretur, viro quoque multo majorem energiam tribuere debeamus, quae ibi aequa est receptivitati. In muliere vero sistema irritabile ab omni incitamento facilissime excitatur, neque tamen simile vi reagere potest (VII. 1. § 61). Suspicari hoc jam poteramus ex toto systemate muscularum perfectiore viri, idem vero comprobatur multo validiore reactione systematis arteriarum magis exculti et majore sanguinis plasticitate praediti, qua de re supra jam locuti sumus. Apertius hanc rationem observamus in muscularis voluntati obnoxiis, qui corpus virile aptum reddunt ad contentiones multo validiores et longinquiores, quam musculi debilioris mulieris,

qui ad summum motus venustos efficiunt (VII. § 60). Hinc mulieres venuste quidem saliant, sed male currunt, ibique facile nancisci eas possumus. Post ejusmodi contentiones mulieri multo longiore quiete opus est, quam viro, itaque mulier nonnisi coacta tales labores subit, qui multas vires requirunt. Libentissime rei domesticae praeest, dum vir altiora et majora petit, multos labores subit, et saepe venatione belloque delectatur, ubi facilissime videri licet, quantum perniciem et vastationem viribus suis efficere possit. Ceterum sistema irritabile mulieris multo magis obnoxium est systemati nervorum (I. 1. p. 235. VII. 1. § 61) et magis inclinat ad morbos spasticos, dum vir magis inflammatoris morbis obnoxius est. De discriminis actionis muscularum in respiratione supra monuimus. Afferenda adhuc est vocis dissimilitudo, quae motu et respiratione efficitur et tota pendet a voluntate, quod idem de respiratione non nisi certa ratione valet (XXI. 2. 2. p. 248). Vox viri est valida et gravis, contra mulieris infirmior, acutior et mollior. Major vox vis in viro facile explicari potest, si reputamus, aerem, qui hic praecipue sonat, in expiratione majore et vi et copia pelli per tracheam breviorem sed ampliorem, per laryngem et per os atque canum nasi amplius, quae partes omnes vibrationibus aeris etiam percutiuntur et ad augendum sonum primiivum plus valent, quam in muliere, ubi vis omnium muscularum respirationi inservientium multo minor est, ubi pulmones minorem aeris copiam capiunt, et reliqua organa vocis minora et angustiora reperiuntur. Haec

eadem major teneritas et parvitas praecipue laryngis et glottidis causa est, quod vibrationes omnium harum partium, ipsiusque aëris multo celeriores perficiuntur et inter se sequuntur, unde vox acutior mulieris explicatur. Plurimum vero ad vocem seu acutiorem, sive graviorem pertinet facultas gignendi. Constat enim, puerili aetate utrique generi eandem fere esse vocem, eamque acutissimam, quae tamen pubertatis tempore in viro transeat in vocem gravorem, seu gravissimam, in muliere in vocem subacutam, vel quod saepius accidit, eadem maneat. Sed ubi facultas gignendi in senectute jam desinit et utriusque generis indoles quodammodo altera alteri similior fit, rursus vocem mulieris asperiorem et minus sonoram fieri atque etiam gravorem observamus. Aetate florente denique et virum et mulierem eandem vocem habere observamus, si vir puerili aetate testibus privabatur. Tum enim vir omnino adulatus acutissimam vocem obtinet, contra mulier stefilis, ob minus exultum sistema genitalium, plerumque virili voce loquitur. In mulieribus libidinosis quoque observatum est, vocem earam minus teneram et sonoram et quodammodo vitiili similiorem fieri (XII. p. 20). Natura enim ob vitia flagitiaque et mulierem et virum punxit, praecipue vero illam, quam pulcherrimis ornamentis privat, inter quae sine dubio etiam vox feminea referenda est. In homine ratione praedita vox linguam efficit, quae tam salutaris est et ipsi et omnibus, qui eum circundant, et cuius usum tum demum vere cognoscimus, si miseros illos cernimus, qui tenera aetate jam

sordi, linguam excolare non potuerunt. Fere omnino enim exclusi sunt coetu hominum et tantopere animi et ingenii cultura impedita est, ut saepe cum mente captis commuentur, quamquam injuria, experientia enim docuit, ingenium eorum sane excoli posse. Lingua viri multum distat e lingua feminae, magis ob idearum nexus, quam ob variam structuram organorum vocis et linguae, quamquam sunt, qui contendant, loquacitatem, quae tam saepe in mulieribus reperiatur, ex parte effici, cavo pectoris commotiore et studio, pulmones minis impletos, onere aëris hausti celeriter liberandi (XVI). Modificationem linguae secundum certas sonorum leges, in cantu reperimus, cuius harmonia animus hominis saepe tam graviter movetur, quia musica primaria, licet perquam obscura, sensuum lingua appellari potest. Quod sensus in muliere omnes ceteras animi actiones superat, praecipua etiam causa est, unde saepius mulieres quam viri arti musicæ deditæ sint, quamvis hi ob altiorem phantasiae vim, cuius participes sunt, summa sane in arte musica praestierint.

Quod ad functionem systematis nervorum attinet, monendum est, in viro, ubi, comparato systemate musculorum, partes centrales systematis nervorum minus exulta et partes omnes, ad quas rami nervorum sparguntur, nervique ipsi structura duriore et firmiore sunt, sensibilitatem etiam in universum minus exultam esse, quam in muliere. Omnes nervi in eo multo minus stimulus internos et externos recipiunt, sed receptivitas et energia multo magis ae-

quam potentiam et auctoritatem servant, et licet non tam acute et bene sentiat, tamen per longius tempus sensus percipere potest, neque tam cito, irritationibus externis et internis debilitatur. Contra in muliere systema nervorum, quod attinet ad ejus receptivitatem tanto facilis sensations percipit, quo debilior est facultas reagendi (I. 1. p. 235). Singula ejus organa et systemata arctius per consensum conjuncta sunt et plerisque in morbis celeriter sympathias adesse observabitis (VII. 1. § 79). Has regulas universales de ratione, quam receptivitas systematis nervorum cum energia init, veras esse invenimus, ubi singulas ejus functiones consideramus, quatenus hae pertinent ad nutritionem, motum muscularum et sensationem. Supra jam vidi mus, omnia nutritioni inservientia organa viri multo maiores irritationes ferre posse, immo etiam iis indegere, ad servandam organismi integritatem, dum eadem in muliere, facile potentia qualibet gravius agente, periclitentur; et hoc quidem efficitur majore receptivitate, sed faciliore perturbatione systematis nervorum. Similem rationem reperimus in illa parte systematis nervorum, quae motui inservit, et incitationes voluntatis a sensorio propagat. Hanc quoque functionem in viro majore vi, liberius ei diuinus peragi videmus, dum in muliere post actionem haud raro turbulentiore, celeriter debilitatio adest. Quod jam attinet ad facultatem nervorum adducendi sensorio sensations, observandum est, coenaesthesia in viro minus excultam esse et in muliere adeo interdum ad hyperaesthesia usque augeri (VII. 1. §

288). Interdum mulierem videmus injucundo modo, incitamenti affici, quae vir aut omnino non sentit, aut leviter tantum. Similes sensations injucundae exoriuntur etiam in muliere, si incitamenti desunt, quibus adsueta erat. Quod ad observations, quae sensibus fiunt attinet (I. 1. § 192. VII. 1. § 160), hae in universum in viro certiores sunt, quam in muliere, illius enim pluris interest, ut totum rei effectum percipiat, et prospectum universalem parare sibi studeat, neque ejus organa sensus tam facile hebetantur. Contra mulier facilis discrimina acutiora animadvertisit, et singulas partes magis respicit, sed multo minus apta est ad veras rationes percipiendas. Organum attractionis viri minus tenera sensibilitate praedita sunt, neque tamen mulieres gloriari possunt, se plus voluisse in explorationibus ubi sensus omnino locum visus obtainere debet. Quod ad gustum attinet, vir praeferit cibaria et potus irritantes, contra mulier simplices et dulces. Organum auditus viri facilis sonos percipiunt ex longinquio; mulieres hac in re contrariam rationem ineunt, et certo quodam sonitu praecepit claro, gravius afficiuntur, saepe vero errant in dijudicando sono. Eodem modo visus virorum acutior, et oculi eorum facilis lucis fulgentis adspectum ferunt, quam oculi mulierum, et magis colores sensim mutatos, quam sibi oppositos amant. In somno etiam et vigilatione utrumque genus non par est. Diutius quidem vir omnibus effectibus obsistere potest, qui fatigations corporis et animi provocant, si vero vires ejus

exhaustae sunt, tanto magis quietum somni appetit, et vel invitus somno opprimitur. Somnis mulieris nunquam tam diu durat, neque iam aliis est, quam viri. Facile quidem mulier fatigatur, ejusque vires facile eximuntur contentionibus, celeriter etiam obdormiscit, sed non tam longa quiete indigit, quam vir, ad vires recreandas. Facile hoc explicatur ex iis, quae supra diximus de functionibus organismi feminei, praesertim systematis nervorum. Etiam quod atinet ad magnetismum animalem observamus viros multo minus inclinare ad statum hunc, quam mulieres, quae ob majorem recepitivitatem systematis nervorum multo facilius effectui dynamico systematis nervorum alterius personae succumbunt (XV).

Quod si jam rursus utrumque genus resuscimus quali modo statu naturali esse videtur, viri forma altior, incessus plenus gravidatis, structura robusta, caput superbe eminens, aspectus plenus dignitatis, omnia haec altioris, ad quam destinatus est, sortis conditionem ostendunt, vitae turbas tentandi, periculis resistendi, laboras et aerumnas perferendi. Magis factus est ad imperandum, quam ad serviendum, et simul officium, infirmos tutandi sentit; magis apus est ad externas res et ad munera late patientia. Pulchra vero adspectu est mulieris forma tenera et gracilis, ejusque incessus levior; oculus demissus non dignitatem imperatoris et audaciam indicat, sed lenitatem, obedientiam et castitatem. Angustis finibus continentur munerum afficia, et attenta rerum domesticarum administratio ei delata est. Minores sibi vires

esse sentiens, periculo imminentे timide et pavide circumspicit, et validiori sese adjungere studet. Tali modo utrumque genus, rebus faventibus apparet. Minus tamen externi effectus viro nocent, immo etiam valet, etiamsi vita conjuncta est cum aerumnis, si impigre laborat, et cum elementis pugnat. Mulieris pulchritudo vero tanquam vernum et perfectissimum signum sui generis non omnibus regionibus floret et non omnibus sub conditionibus rerum externarum; coelum mitius, natura uberior, pulchrior, et omnes res ad vitam necessarias facile et copiose praebens praecipue ei favet (I. I. p. 256).

Libri citati.

- I. Burdach. Die Physiologie als Erfahrungswissenschaft. Leipzig 1830.
- II. Ackermann. Ueber die körperlichen Verschiedenheiten des Mannes vom Weibe ausser den Geschlechttheilen. Aus dem Lateinischen von Wenzel. Coblenz 1788.
- III. Görög. Der Mensch auf seiner körperlichen, gemüthlichen und geistigen Entwicklung. Leipzig 1829.
- IV. Reil und Autenrieth. Archiv für die Physiologie. Halle 1807.
- V. Moreau. Histoire naturelle de la femme. Paris 1803.
- VI. Sömmerring. Vom Hirn und Rückenmark. Mainz 1788.
- VII. Carus. Gynäkologie. Leipzig 1828.
- VIII. Rosenbaum. De sexuali organismorum fabrica. Halae MDCCCXXXII.
- IX. Siebold. Frauenzimmerkrankheiten. Frankfurt 1824.
- X. Meckel. Handbuch der menschlichen Anatomie. Halle 1815.
- XI. Sömmerring. Preisschrift über die Schnürbrüste.
- XII. Sachs, Aerztliches Gemälde des weiblichen Lebens. Berlin 1830.
- XIII. Walther. Physiologie des Menschen. Landshut 1808.
- XIV. Bartels. Pathogenetische Physiologie. Cassel u. Marburg.
- XV. Kluge. Ueber den thierischen Magnetismus. Königsberg 1816.
- XVI. Görög. Handbuch der Krankheiten des Weibes. Leipzig 1831.
- XVII. Virey und Fournier. Das Weib im gesunden u. kranken Zustande, frei bearbeitet und mit Anmerkungen versehen von Renard und Wittmann. Leipzig 1821.
- XVIII. Hempel. Einleitung in die Physiologie und Pathologie des menschlichen Organismus. Göttingen 1828.
- XIX. Hecker. Arzneimittellehre, herausgegeben von Bernhardi. Gotha und Erfurt 1829.
- XS. Schmidt. Naturlehre. Giessen 1826.
- XXI. Rudolphi. Grundriss der Physiologie. Berlin 1821.
- XXII. J. Müller. Physiologie des Menschen. Coblenz 1834.